

BILTEN



Udruženje "Mladi muslimani" ♦ Godina VI ♦ Broj 6 ♦ Besplatan primjerak

2014

Naučni skup: "Bošnjaci u Osmanskom carstvu (XV-XX stoljeće)"

U subotu, 20. decembra 2014. godine u Sarajevu je održan Međunarodni naučni skup "Bošnjaci u Osmanskom carstvu (XV-XX stoljeće)". Skup je održan u Hotelu "Europe" i imao je dva panela. U prvom panelu učestvovali su: 1) Mr. sc. Ramiza Smajić sa Instituta za istoriju u Sarajevu sa temom "Osobnost bošnjačke tradicije u pluralističkom Osmanskom društvu"; 2) Doc. dr. Elma Korić sa Orijentalnog instituta u Sarajevu sa temom "Bošnjaci na Osmanskom dvoru"; 3) Mr. sc. Haris Dervišević sa Filozofskog fakulteta u Sarajevu sa temom: "Kako su Bošnjaci utjecali na razvoj Osmanske umjetnosti"; 4) Alen Zečević na temu "Vakufi bosanskih namjesnika i njihov značaj za urbanizaciju gradskih naselja u XV i XVI stoljeću"; 5) Mr. sc. Fuad Ohranović iz Arhiva FBiH sa temom "Vanjska trgovina Bosanskog ejaleta u XVI i XVII stoljeću – bosanski trgovci u Evropi". Prvim panelom je moderirao dr. sc. Admir Mulaosmanović sa Instituta za istoriju u Sarajevu.



Na drugom panelu učešće su uzeli: 1) Prof. dr. Nenad Moačanin sa Sveučilišta u Zagrebu sa temom "Demografska kretanja u Bosanskom ejaletu u XVII stoljeću"; 2) Prof. dr. Enes Durmišević sa Pravnog fakulteta u Sarajevu sa temom "Predstavnički pravni misli u Osmanskoj Bosni"; 3) Prof. dr. Fikret Karčić sa Pravnog fakulteta u Sarajevu sa temom "Bošnjaci pod francusko-osmanskim pravom: Carski kazneni zakonik iz 1858 i njegova primjena u BiH"; 4) Doc. dr. Safet Bandžović sa Instituta za istoriju Sarajevu sa temom "Tokovi deosmanizacije i Bošnjaci: iskušenje i ratovi (1912. – 1918.)"; 5) Prof. dr. Šerbo Rastoder sa Filozofskog fakulteta u Nikšiću sa temom: Istraživanje islamsko-osmanske baštine, historije i tradicije u Crnoj Gori u drugoj polovini XX i prvim desetljeću XXI stoljeća". Ovim panelom moderirao je Dženan Suljović, potpredsjednik Udruženja "Mladi muslimani".

Povod za održavanje skupa jeste sve veći interes za saznanjima iz vremena Osmanskog perioda, a što je dobro vezano za sve veći utjecaj Turske u svijetu, kao velike ekonomske, ali i političke, kulturne sile. Kod nas u BiH postoji puno predrasuda prema Osmanskom vremenu. Te predrasude su rezultat nasljeđa iz jugoslovenskog perioda kada su postojali narodi, unutar zajedničke države, kojima je odgovarao taj otklon prema Osmanskom periodu.



Skupom se željelo doprinjeti razbijanju tih predrasuda, te istaći uloga Bošnjaka u tom periodu. Mnogi Bošnjaci su imali važne političke, ekonomske, naučne, kulturne pozicije unutar Osmanskog carstva, a da se danas o tome ništa ne zna. Bilo je velikih vezira, što bi danas bilo mjesto premijera i to u tada najvećoj i najmoćnijoj državi, kao da danas govorimo o drugom čovjeku Amerike, Rusije, ili Kine, a koji je Bošnjak. Umjetnici poput Nasuha Matrakčija mogu se mjeriti sa Pikasom, a za njih se u našem društvu gotovo pa ne zna.

Udruženje "Mladi muslimani" će tokom 2015. godine izdati zbornik sa ovog naučnog skupa. ■





Obilježen Dan genocida nad Bošnjacima - 9. januar

Već treću godinu za redom Udruženje "Mladi muslimani" obilježava 9. januar kao Dan genocida nad Bošnjacima. Tog dana 1992. godine tzv. i samozvana "Skupština srpskog naroda u BiH" je proglasila tzv. i samozvanu "Srpsku republiku BiH". Time su Srbi koji su podržavali tadašnje rukovodstvo jasno dali do znanja da će sprovesti genocid nad Bošnjacima. Ove godine Dan genocida Udruženje "Mladi muslimani" obilježilo je promocijom svoje knjige, odnosno, zbornika "Genocid nad Bošnjacima 1992.-1995." i to u 4 mjesta u BiH: u Sarajevu, Jablanici, Sanskom Mostu i Kozarcu. Promotori knjige u Sarajevu bili su prof. dr. Džemal Najetović i mr. sci. Muharem Omerdić, a promocija je održana u Sali Općine Novi Grad. U Konjicu je zbornik promovirao Avdo Huseinović, a u Kozarcu i Sanskom Mostu promotori su bili: Anes Džunuzović i mr. sci. Jasmin Medić. ■



Promocija zbornika "Bošnjaci u II svjetskom ratu..."

Zbornik "Bošnjaci u II svjetskom ratu – tokovi i posljedice" promoviran je 15. i 16. marta u Wiltzu i Luksemburgu. Promotor zbornika bio je Anes Džunuzović, a organizator magazin Diwan. ■



Promocija knjige "Teufik Velagić Tofa - Pismo iz zatvora"

Knjiga dr. Salima Hadžića "Teufik Velagić Tofa – Pismo iz zatvora" čiji izdavač je Udruženje "Mladi muslimani" promovirana je u tri grada: Beču – gdje je živio rahmetli Tofa, Mostaru – iz čije blizine potiče, te u Zagrebu – gdje je studirao. U Beču je knjiga promovirana u nekoliko bošnjačkih džemata 24., 25. i 26. januara. Promotori su bili autor knjige dr. Salim Hadžić i Anes Džunuzović, novinar i sekretar Udruženja "Mladi muslimani". U Mostaru promocija je održana 08. aprila, a promotori su bili: Sejid ef. Smajkić (donedavni muftija), Ibrahim Kajan – književnik, Edhem Bičakčić, a moderirao je Hasan Eminović, novinar i književnik. U Zagrebu promocija je održana 22. maja, a promotori su bili Ervin Jahić – književnik, prof. dr. Zlatko Hasanbegović, dr. sci. Sulejman Čamdžić, a moderator je bio Anes Džunuzović. Organizator promocije u Zagrebu bio je Medžlis IZ Zagreb i BNZ za Grad Zagreb. ■



Promocija zbornika "Genocid nad Bošnjacima..."

U visokom je 18. aprila promoviran zbornik "Genocid nad Bošnjacima 1992.-1995.". Promotori zbornika bili su: prof. dr. Džemal Najetović i Anes Džunuzović. Ovom prilikom promotore i člana UO Udruženja Enisa Pinju primila je načelnica Visokog Amra Babić. ■



Serijal predavanja Sanina Muse

Tokom 2014. godine prof. Sanin Musa održao je serijal od 22 predavanja u Sarajevu, Visokom, Jablanici i Kaknju. Na početku su to bila predavanja o Božijim poslanicima, a u nastavku i sa drugim sadržajem. ■



Serijal predavanja na temu "Islamska umjetnost"

Tokom 2014. godine Kenan Šurković održao je tri zanimljiva predavanja o islamskoj umjetnosti u BiH. Govorio je o velikim islamskim umjetnicima koji potiču iz BiH, o njihovim umjetninama, ali i o umjetničkim vrijednostima koje posjeduju naše muzejske kolekcije. ■




Dan Kuds 2014.

Tradiciju obilježavanja Dana Kuds Udruženje "Mladi muslimani" nastavilo je i 2014. godine. Ovog puta Dan Kuds održan je u Gazi Husrev-begovoj biblioteci, a učešće su svojim nadahnutim predavanjima imali mr. Fatmir Alispahić i Majed Maarouf, bivši ambasador Države Palestine u BiH. ■



Nova knjiga u izdanju Udruženja "Mladi muslimani"

U 2014. godini Udruženje "Mladi muslimani" izdalo je zbornik radova sa okruglog stola "Genocid nad Bošnjacima 1992.-1995." koji je održan u decembru 2012. godine. Zbornik sadrži 11 radova i to od sljedećih autora: Nihada Halilbegovića, mr. Fatmira Alispahića, prof. dr. Džemala Najetovića, Avde Huseinovića, mr. Jasmina Medića, Bakire Hasečić, mr. Muharema Omerdića, Fadile Memišević, Hasana Nuhanovića i prof. dr. Admira Muratovića. ■



Predavanja generala Armije RBiH

U cilju vraćanja ugleda Armiji RBiH, te podsjećanja na velike pobjede i čudo bosanskog otpora, Udruženje "Mladi muslimani" pokrenulo je serijal predavanja generalai oficira Armije RBiH. tokom 2014. godine predavanja u prostorijama Udruženja održali su general Sakib Mahmuljin i general Fikret Muslimović. Serijal je nastavljen i u 2015. godini. ■



Tribina u Konji o Mladim muslimanima i Aliji Izetbegoviću

U organizaciji Univerziteta "Nedžmetin Erbakan" iz Konje i Privredne komore ovog grada, 01. novembra 2014. godine u Konji je održana tribina na temu "Alija Izetbegović i Mladi muslimani". Uvodničari na tribini bili su Ejub Hadžić, član pokreta "Mladi muslimani" iz vremena njegovog osnivanja i prijatelj rahmetli Alije Izetbegovića. Hadžić je govorio o njegovim susretima sa rahmetli Izetbegovićem i utiscima koje je ostavljao rahmetli Izetbegović. Drugi učesnik bio je Anes Džunuzović, sekretar Udruženja "Mladi muslimani" koji je govorio o historijatu udruženja. Doc. dr. Džemila Halilović Tekin, govorila je o Dejtonskom mirovnom sporazumu i iskušenju pred kojim se našla delegacija BiH predvođena rahmetli Alijom Izetbegovićem. Moderator tribine bio je doc. dr. Zekeriya Mizirak, generalni sekretar Univerziteta. ■



Učešće na "Besader" kampu i ESAM-u

U organizaciji Udruženja "Besader" iz Istanbula, od 05. do 09. marta 2014. godine u Yalovi (Turska) održan je VII balkanski kamp za studente sa Balkana koji studiraju u Turskoj i za udruženja iz balkanskih zemalja. Kampu je prisustvovalo oko 600 osoba iz 10 zemalja (BiH, Kosova, Srbije, Crne Gore, Albanije, Makedonije, Rumunije, Moldavije, Bugarske i Turske). Udruženje "Mladi muslimani" na kampu su predstavljali Anes Džunuzović, sekretar i Šemsudin Halilović, član Upravnog odbora.

Od 29. do 31. maja u Istanbulu je održana konferencija ESAM-a – Ekonomsko društvenog istraživačkog centra, koji je formiran 1969. godine od strane rahmetli dr. Nedžmetina Erbakana. Udruženje "Mladi muslimani" na konferenciji je predstavljao Mustafa Berhamović, član Upravnog odbora. ■




Humanitarne aktivnosti

I tokom 2014. godine Udruženje "Mladi muslimani" realiziralo je nekoliko humanitarnih projekata sa organizacijom "Hasene" iz Njemačke. Podjeljeno je 150 paketa sa hranom u Sarajevu, Jablanici, Trnovu i Visokom. Za kurban bajram podjeljeno je 800 kurbama u Sarajevu, Konjicu, Jablanici, Visokom, Kaknju, Varešu, Trnovu i Vlasenici. ■



Sjećanja

Tokom 2014. godine na ahiret je preselilo nekoliko starih, dugogodišnjih članova Udruženja, još od vremena njegovog osnivanja 1939. godine. Na ahiret su preselili: Asim Kalajdžić, Ismet Imo Serdarević (u jednom periodu predsjednik Udruženja), Asim Alađuz, Ekrem Dizdar i Muhamed Čadordžić. ■



Ekrem Dizdar

Izdavač: Udruženje "Mladi muslimani"
Za izdavača: Edhem Bakšić,
predsjednik Udruženja
Urednik: Anes Džunuzović,
sekretar Udruženja

Adresa: Sarači 77, Sarajevo
Tel.: +387 33 271 740
Fax.: +387 33 271 741
E-mail: mmuslim@bih.net.ba
www.mm.co.ba

Transakcijski račun: BBI d.d. Sarajevo -
1410010010091269

